



Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 78. Patriarchum Constantinopolitanorum successio.

[urn:nbn:de:hbz:466:1-67232](#)

reparatæ salutis millesimo quingentesimo septuagesimo secundo novum edidit **Sæcul. XVI.**
decretum, quo articulos in Pii V. Bul-
la recensitos, ac proscriptos pariter con-
demnabat; simulque in eodem confessu
statuebat, ut hæc sententia omnibus ad
quemdam gradum in Facultate Theolo-
gica promovendis prælegatur, iisque se-
vere prohibetur, ne quempiam ex his-
ce præscriptis articulis tradere, defen-
dere, propugnare, vel disseminare au-
deant. Hoc itaque decretum post me-
ridiem ejusdem diei in examine illorum,
qui prima doctoratus laurea erant deco-
randi, prælegebatur, præsentibus Mi-
chaele Bajo, ceterisque Professoribus,
ac Rectoribus, quin tamen ullus sese
huic sententiae opposuisset: hac igitur
ratione aliquamdiu Lovaniensi Univer-
sitatì pax redditæ fuit.

A.C. 1572.

§. LXXVIII.

Patriarcharum Constantinopolitanorum successio.

Interea usque ad Mensem Majum hu- **Turco-Gr.**
jus anni Metrophanes Patriarcha ve- **I. 2.**
re prudens, ac doctus vir Constantino- **Spond. ann.**
politanam Ecclesiam Græcam guberna- **1565. &**
bat, cum autem illius regimen ultro **1572.**
abdicaret, eidem subrogabatur paucis
post Mensibus Jeremias Anchiali ad
Pontum Euxinum natus, & antea La-
rissæ

Sæcul. XVI. rissæ Metropolitanus, qui solito tributo
A.C. 1572. soluto a Selimo Sultano confirmatus est.

Hunc Græci tanquam Virum judicij maturitate, ac eruditionis laude oppido conspicuum celebrant; nam is simoniam tum in hac Ecclesia admodum frequentem feliciter abrogabat, Temploque Patriarchale reparans, ac variis ornamenti locupletans, ipsum etiam Palatum augeri, novaque ædificia construi jussit. Porro regnante eodem Jeremia Malaxius coævus Scrip-
tor suam Historiam de Patriarchis Constantinopolitanis absolvit.

Sub idem tempus Lutherani ad eundem hunc Patriarcham transmiserunt Confessionem Augustanam, atque ad hoc cujusdam ejusdem sectæ fautoris, qui tum ex Cæfarei Legati famulis Constantinopoli agebat, ministerio utebantur, huncque Patriarcham ad sua studia pertrahere nitebantur: ast inanes erant horum hæreticorum conatus, quippe Jeremias illorum errores tam voce, quam calamo strenue impugnavit edito hanc in rem libro græco, qui sub titulo: *Censura Ecclesiæ Orientalis* latine reddebatur a Stanislao Socolvio, qui ad aliud opus *Spongia* dictum, quo Joannes Baptista Fiklerus Stanislai librum refellere nitebatur, respondit. Attamen Lutheri Sectatores hanc Jeremiæ repulsam

ex*

exacerbati suis dolis , atque artibus Sæcul.XVI.
apud Turcarum Imperatorem tam im- A.C. 572.
portune instabant, ut Jeremias sede
sua pelleretur, ac Metrophanes pristi-
nis suis honoribus restitutus in ejus lo-
cum sufficeretur. Hæc gesta fuere an-
no Incarnationis Dominicæ millesimo
quingentesimo septuagesimo nono.

Ceterum hujus Patriarchæ infortu-
nium sequebatur post obitum Michaelis
Cantacuzeni, qui insignis Jeremiæ pro-
tector, atque ex omnibus Græcis po-
tentissimus Amuratis Sultani jussu An-
chiali in sua domo fuit strangulatus, eo-
quod tumultum, qui in Valachia , &
Moldavia fuerant suscitati, Auctor ex-
stisſe crederetur: nihilominus Jere-
mias mortuo Metrophane circa annum
Domini millesimum quingentesimum
octogesimum secundum rurſus suæ sedi
redditus Calendarii emendationem a
Gregorio XIII. factam non modo rece-
pit, sed etiam sese ejus obsequio devo-
vit: unde a suis æmulis apud Turca-
rum Imperatorem accusatus, perinde
acſi cum Romano Pontifice literarum
commercium, arctamque foveret amici-
tiam, ejusdem Sultani jussu in carcerem
detrudebatur, & tandem Anno millesimo
quingentesimo octogesimo quinto in exi-
lium amandabatur. Ferunt, quod Gre-
gorius XIII. ad eum liberandum omnem

Hist. Eccles. Tom. XLIX. I im-

Sæcul. XVI. impenderit operam, eo fine, ut ipsum
A.C. 1573. Romam accersitum purpura deco-
 raret.

§. LXXIX.

Sacrum - Cæsar is obfessum.

Thuan. hist. In Galliis Sacricæsarenses, qui in re-
 lib. 55.
pag 917. rebellionis suæ malitia Rupellensibus
Spond. hoc haud inferiores esse cupiebant, cum
ann. n. 5. sibi sua pertinacia Regis indignationem
La Popelin. accersere intelligerent, urbis suæ ob-
 l. 33. fidionem tolerare decreverant, ut sal-
 tem hac ratione debitæ vindictæ pœ-
 nas eluderent: igitur ineunte hoc an-
 no Christi millesimo quingentesimo se-
 ptuagesimo tertio Claudius Castreus
 Bituricensis Provinciae Præses huic urbi
 regias copias admovet, atque inclo-
 las ad ultroneam deditioñem provocat:
 verum Joannellus, qui urbi præerat,
 tibicinem eo missum detinere, atque
 indignum in modum habere præsume-
 bat, eapropter die decima nona Fe-
 bruario obsidio cæpta toto impetu ur-
 gebatur, exiguo licet progressu, quip-
 pe obfelli tanta pertinacia urbem tue-
 bantur, ut potius ad extremam famis
 violentiam, quam deditioñis ignomi-
 niam redigi mallent; quamvis enim
 intra quinque, vel sex hebdomadas
 plusquam quingenti cives inedia pe-
 riissent, nihilominus miseri ab hæreti-
 gis